



www.BibleForChildren.org

Juan 14




Jirukaraa nurearãsturu. Chi Dachì Akõreba wauruude
maude chi m̃t̃ba wauruude ijãsturu. M̃t̃ Chacha
bumare chi buai ãrea barau. M̃t̃ machi naa wãì machi
baita bi'ia wauyua. Makawãe basirã m̃t̃ba jaraabai
basii. M̃t̃ mau bi'ia waude wãaruuburã, waya neei
machi uadoi
baita m̃t̃ ome
nureadamera.



M̃ machi ãba Juanb̃. Dachì Jesucristo ome
panuudeeba m̃ machi ome Dachì Akõre
juadebenarãb̃, machi ome ãrea bi'iwãe


buu, maude machi ome joma dauchia
jãadua buu. Dachì Akõre




bedea jaradea buu
kakua maude Jesús
ũr̃bena biawãra a
buu kakua m̃
Patmos islae busidau.




Ara makude Dachi Akõre Jauri mude needaba chi rey
ãkau bajãade unubisii. Mau ãrã aãa akã buasii.




Maude m̄mba ūrisii chi joma Dach Akōreba waukuada
chi bajāade duanuu, chi nau iujāade
duanuu, chi biupedaada maude
mare duanuu bida naka kari
panasidau: «Jomaurāba chi rey
ākaude ak̄ buumaa maude chi
oeja kaebeu niimaa ewaricha
bi'ia berreadai
panuu.»




«Aude mechiu nii a jaradai panuu, aude mipitaa nii a
jaradai panuu maude bibuara buu ichi juade uru buai
a jaradai panuu».




Maude m̃ũba unusii Dachí Akõre buumarebena ichi puuru wiẽi Jerusalén bajãadebena edaa uruu. Mau puuru mipitaa ãrea buasii wẽra miakãiruude paru jũbarii kĩa. Maabae m̃ũba ũrisii aba Dachí Akõre rey ãkau buareeba naka jĩwa berrearuu: «¡Ũrísturu! Iei Dachí Akõre ëbẽrarã tãede buu. Ichi ãchi baara buai. Maude ãchi ichi puurudebenarã nureadai. Ichi ãchi Akõre bai maude biawãra ichi ãchi baara buabarii.»




Mau maadakare angelba do pawāraa buu m̃m̃maa
unubisii. Biirio kīra doḋaa buasii. Mau baniaba ewaricha
chokae buai deabarii. Dachī Akōre maude Oeja Kaebe
Nii rey ākau bia buareeba mau do puurudebena o
jōparrea buu ēsa eabari buu.



Ƨmadaswãe, jedakoswãe mau puuru ãdaa nuɓuabarii
Dachi Akõre kĩrawãreaba maude Oeja Kaebe Niiba
ãdaa ɓuuba.



Maamina joma Dachì Akõreba bi'ia unukau mau
puurude eða adoedaabai. Ne kachirua waubadaurã,
chi Dachì Akõreba kũriakau
waubadaurã maude chi
seta idaa nuree eða
wãdaabai. Aða chi
ewaricha chokae
duanabarii kartade
trũ kubéturu poyaa
eða wãdai. Mau karta
Oeja Kaebe Niiba
uru buu.



«Ãchi dau ðaa ichiba joma poabiai. Naede buada joma
wã'ãesiideeba, maarã waa biudaabai, jẽadaabai, kĩa
nomaa jẽadaabai, maude waa bi'iwãe panadaabai».




Dachi Akõreba mau puurude kachirua barai a jarada
wã'ãe bai. Dachi Akõre maude Oeja Kaebe Nii rey ãkau
mau puurude panadai. Aria Dachi Akõre baita bari
trjabadaurãba ichimaa bi'ia berreadai. Ichi kiedarr
unudai maude ichi trũ
ãchi dauburude bu
uru nureadai.



Maude m̃ũba unusii biupeɗaadarã chi mechiurã
maude chi kaebeurã Dachì Akõre rey ãkau daade ak̃
topanuu. Maude chi ðee karta ewakuasii. Maabae june
aba karta ewasii. Mau kartade ëbërarã ewaricha
chokae nureadaì trũ ðu kubuasii. Dachì
Akõreba chi biupeɗaadarã joma ichiasii
ãchiba waupeɗaada kĩa, chi maarã
kartade ðu kubuada kĩa.

Chi ëbërarã trũ chi
ewaricha chokae
duanabarii kartade
wã'ãerã Dachì Akõreba
mau ea choɓeade azufre
bara aoko nuɓuude
jiratasii.



Dachi Akõre Jauriba maude chi Oeja Kaebe Nii kima
abadauba naka jara buu: «¡Uche!» Chi mau kartade bu
kubuu ũriiruu bida jarai buu «¡Uche!» Chi obisia buuba
bania chi ewaricha chokae buai deabarii dode neei buu.
Mau bania kũria buuba bari dode neei buu.



Dachi Akõreba ěbĕrarã ãrea
kũriakua buudeeba ichi Warr aba nii
nau iujãadaa bũisii joma ichide ijãadu
ichidebena awara nurearãadamera,
maumaarã ichi ome ewaricha
chokae nureadamera.



Romanos 3:23 Biawãra jomaurãba kachirua
waubadaudeeba, Dachi Akõre bi'ia
niidebena awara nuree.

Romanos 6:23 Biawãra kachirua wau panuu kakua ëbërarã
biudai. Maamina Dachi Mechiu Jesucristodeeba Dachi
Akõreba ewaricha chokae buabiai, ne kaebea bari
dea buu kîra.

Hebreos 9:27 Joma bes aaburu biudai. Mau maadakare
Dachi Akõreba nebura ichiai.

Efesios 2:8,9 Jesuse ijãasidaudeeba Dachi Akõreba ichi
sõbiadeeba machi karibasii. Ara machi du aãa
karibadaabasii, maumaarã Dachi Akõréburu bari karibasii.
Machiba bi'ia wau panuudeeba Dachi Akõreba
karibaabasii. Maka abau bida ara ichi ãrubena
poyaa bi'ia berreabai.



Romanos 10:9,10 Bichi iiba Jesús jomaurã Mechiu aaruuburã, maude Dachí Akõreba ichi chokae jiradubida bichi sõdeeba ijãaruuburã, ichiba karibai. Biawãra chi mauba sõdeeba ijãaruuburã, chi Dachí Akõre daade jipa nuree baara buai. Iiba Jesús jomaurã Mechiu aaruuburã Dachí Akõreba karibai.

Juan 3:16,17 Dachí Akõreba ëbërarã ãrea kũriakua buudeeba ichi Warr aba nii nau iujãadaa buisii joma ichide ijãaduu ichidebena awara nurearãadamera, maumaarã ichi ome ewaricha chokae nureadamera. Dachí Akõreba ichi Warr nau iujãadaa buibasii ëbërarã kastikamera maumaarã buisii karibakuamera.



1 Juan 5:11-13 Dachí Akõreba jara buu naubɛ: ichi Warreeba dachí ewaricha mau ome chokae nibabiai.

Biawãra chi Dachí Akõre Warre ijãa buu mau ome ewaricha chokae buai. Maamina chi Dachí Akõre Warre ijãawẽa buu mau ome ewaricha chokae buabai. Mũba nau karta machi chi Dachí Akõre Warre ijãabadaurã baita buuruu kuitaadamera ewaricha Dachí Akõre ome chokae nureadai.



Juan 14; 2 Corintios 5; Apocalipsis 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Emberá-Chamí Bible (cmi) © 2021, Wycliffe Bible
Translators, Inc. All Rights Reserved

<https://www.bible.com/bible/3214/MAT.1>

©2026 Bible for Children, Inc.

www.M1914.org

www.bibleforchildren.org

